

docriver 文川网
古籍书城
入驻商家
在文川网搜索古籍书城 发现更多电子书

中國方志叢書·華中地方·第五〇三號

據

明·宋奎光撰
明崇禎五年刊本

影印

浙江省

寧海縣志

(一)

成文出版社有限公司印行



10101904

中國方志叢書·華中地方·第五〇三號


據

明·宋奎光撰
明崇禎五年刊本

影印

浙江省

寧海縣志



sk28/08

成文出版社有限公司印行



10101903

1001-1-203

中國方志叢書·華中地方·第五〇三號


據

明·宋奎光撰
明崇禎五年刊本

影印

浙江省

寧海縣志



sk-28/08

成文出版社有限公司印行



10101902

docsriver 文川网
入驻商家 古籍书城

在文川网搜索古籍书城 获取更多电子书

中華民國七十二年三月臺一版

寧海縣志 共三冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

重脩寧海縣志叙

歲在辛未奎光承乏浙東之寧海
寧固濱海疲邑也數年間東南
多敬言餉額通加催科撫字益稱
兩難而邑日以敝下車之初見夫士

之茂以良民之推以息俗之節用
以務本則色然以盡而又見夫城郭
之傾圮廨宇之榛蕪逋賦之積歲
而後乙補甲也則愀然以終期年之
內矢其朴誠竭靡心稽屬以天幸

甘霖應禱美稼率登修廢舉
墜唯力是視稍復舊觀爰蒞邑
乘則梨棗已灰燼矣竊慮長年
日謝掌故莫憑乃謀於邑之賢大夫
士以退食之餘手輯而新之寧之

志編於邑人張廣文輔刻於前令
浮梁戴公顯而志始成修於粵西
曹公學程而志始備

國家當休明之運灑棄宛然陵谷
無改而即四十餘年中達置有增損

疆域有系合睦沒有重輕賢哲有
興替風俗有隆汙治人治法興時
為宜歷之可稽而考之亦善者冰釋
消紀載炫觀覽抑亦寓勸懲供
采問於寧躬良宜焉且光因輯志

多更有幾焉自古稱人傑地靈故
地或以人重寧邑名賢碩儒代不乏
人獨方正學先生請難時孤忠砥柱
十族殉節海內今日聞其名讀其
文翻若景星慶雲而必推本於先

生棄群孤危之地則生之知以節義
重先生而先生以節義為寧重
甚矣節義一日不泯故乾坤不倒
日月不晦而人心不死

國家所以養士與士之所以報

國家者唯是以故

累朝有褒卹之典諒賢有表揚
之疏當事乃求其一錢之血胤於雲
間逐其廬里目其俎豆至於今衣冠
文物濟之若而人朱耶之姓旣明

若教之鬼不饒先生華表之靈矣
有所感始知杵臼程嬰各成其是
天人之理甚通而為善者無懼
嘆不足為寧邑快而為寧志光
興是沒也於達置則補水利於


食貨則增加派於藝文則廣拓
賦而於人物則詳方傳仍者十
之六益者十之四凡得十有二卷採
皆核之正典証之國史叅之名集
咨之鄉艾統之然文獻之且徽

而已刻成因為叙

崇禎五年歲次壬申冬十一月長
至日寧海令虞山宋奎光撰并

書





docsriver 文川网
入驻商家 古籍书城

在文川网搜索古籍书城 获取更多电子书

寧海縣志序

明 周家棟

黃州人

西粵曹君治寧之三年道化翔洽乃徵博士弟子員按邑事率爲若干卷時余臨海方挾掌簿書不暇給而曹君特以其間修南董之業備方百里之典曹君不旣賢矣哉然當時之賢曹君止此已而曹君晉西臺露白簡仗下彈紕羣貴人不少避東事一疏侃侃折盈庭之議而實陰中當事之諱

天子以君爲撓遂

詔獄大小臣前後累章數十萬言爲君請不能得而天

序

卷一

寧海志

下益想望其風采咸與咨嗟嘆慕謂古王章唐介輩復
出而獨以不得一識其面爲憾嗚呼夫非所謂綰綬而
令寧者哉是豈漫然而曹君一旦樹立至此夫不覆諸
志乎規撫體裁史乘家類言之而筆削刺褒卽以司馬
子長之才而不能不詭諸聖曹君操三寸管斧鉞二百
載之下賢賢惡惡微顯闡幽所以伐姦山而揚忠舌者
獨慨然景止方正學之爲人其斧藻鑿斲祇剩技耳則
素所蓄積耳今士人稱往古掣腕時事高負骯髒不平
之氣直欲蹲龍比之座而上之一試龍鱗虎尾之間則

消沮古禁而不敢吐孰能砥之生平券之
當宁排衆建謨不難犯大難而以身殉社稷者之爲愉
快乎夫曹君在一邑則以緒言勒不刊之墓而潁川渤海讓其猷在

朝廷則九死壯直臣之氣而折檻盤項遂其烈曹君之
不朽者寧獨以志哉曩余承曹君首簡之命而卒以吏
事未遑越十年奉

璽書視越徘徊蓋蒼之下訪志之所謂芝臺者父老嚮
余問曹君起居無恙余愀乎不能出君于福堂中也乃

序

卷一

寧海志

爲君終其前命如此嗟夫今

天子固有釋繫之旨矣釋不釋曹君固且甘之後有覆
諸其志者夫亦思曹君之所以樹立者哉

寧海縣志序

秦鳴雷

字子豫
臨海人

古者列國有史掌記時事今郡縣之志是也第體裁紀
述必資良史而起敝維風乃稱實錄故魯侯動稽故實
楚相必告新令凡觀風願治者咸于是乎稽之非細故
已也寧海志在正德初邑令戴君顯修之大都本邑人
張輔所刪定地輿風俗人才土產紀載粗具自茲迄今

可八十餘年湮畧不載其間時事卽耳而目之猶虞淵
遺矧長年易謝掌故無徵後千萬祀謂傳信何嗟乎余
按志邑當晉太康猶吾臨海地後沿徙不一人

明文治翔洽人才輩出毋論文章節義如正學先生者
謂 國家之孤竹非耶嗣後國論日定正氣不磨海內
學士譚首寧海如神龍之九淵不啻重也奈隆替相倚
有如始占以迨于今物別俗敝人文湮塞猥云江河亦
治人之以耳今心洛曹侯繇粵西進士策仕石首聲稱
籍起再補寧海下車諏俗注意挽回取志書而陳之察

見標本拊循警鑄不遺餘力而朔置修舉亦旣厥心三
年民喁喁顧化邑內弦歌文物日起數十年否邁至侯
而重光矣而猶未已也曰前事之不忘後事之師也奈
何當吾身而失載事耶丙夜認認手自校訂自輿地至
外志分爲十卷臚列星布粲然大備夫旣成帙問序于
余余受以卒業已嘆其盡善盡美無以復加矣而獨有
感于芝臺之事焉夫芝產而政成政成而志作天人相
感厥徵非常語具龍大夫所爲記中與載梅盛集鳳事
不先後光照下邑哉語曰移風易俗非俗吏所能侯業

移易之又筆之書以遺後之君子其仁寧有窮乎矧侯
以被

召往當載筆侍

明主著作益鴻以鉅而斯志特履端云爾余因爲序其
首俾異日傳侯者有所考焉

重修寧海志序

石承芳

邑人

國有史省郡州縣有志制也凡以昭往示來俾稽古者
得以鑒觀攷索一展卷而千百載之興廢污隆如指諸
掌豈細故哉故修史者必約而該核而詳深而不晦質

而有章嫉惡而無忌諱褒美而不浮誇此良史也而志之所貴亦如之夫志一方之事使襲訛而不察其非承舛而不易其弊文或失之華紀或失之冒皆非所以彰往詔來而垂鑒戒也寧海舊志自大明正德二年亦曾纂修但中多錯亂無序或濫而罕徵或遺而罔究識者病之迄今八十餘年未有庸情于此者萬曆庚寅元旦曹侯奉

命來宰寧海下車未幾輒有志于重修其建置沿革山川形勝分野地理公署橋梁鄉賢名宦道德功業忠孝

節義詞詠文章僊釋流寓曲藝方術無弗分門別類列于別署坐隅每公餘退食卽以次考註其下闕錄舊志之外若科甲若士宦若人物則又稽諸浙江通志赤城新舊二志及殿閣詞林皇明通紀憲章遵鄉二錄叅訂互考凡有實跡可徵者無不錄空言無據者弗妄登有載于舊志而于通志郡志并他書俱無憑者則裁之如甲科鄭士原等三人鄉科楊誼等五人姑傳疑焉之類是也有舊志遺志而于通志郡志并他書間見者則增之如吳尚書屈公晃五代都官郎鄭公睿禮部尚書李

序

卷一

五

寧海志

公至剛之類是也或祖產寧海而註籍外縣者仍收錄之如叅議李公源尚書趙公潢知府王公度孫苑馬卿亮之類是也旁按博採微顯闡幽務求端的每至夜分而後就寢雖極疲勞未嘗乘以怠忽之心秉公獨斷人莫敢于以私始事于庚寅仲春脫稿于壬辰仲夏命工錄梓而

內召之命適至矣侯之蒞吾寧也凡利之當興弊之當革者靡不熟思審處條陳而悉獲詳允民咸陰受其庇而不知他如簿書庶績之冗應酬旁午之勞益日不暇

給而復惓惓于邑誌之修其心術其精神真度越等夷
莫可幾及至若廉貞之德循良之政孚于民而與里巷
鄉閭之謠格于天而來靈芝瑞麥之應此皆有耳目者
所共聞見其志之文班馬而筆董狐則大宗伯秦公序
之詳矣芳也日擊我侯勞神于歲月而後成人或未盡
知其詳敢不闡揚一言以告觀者俾知成之之不易而
將垂之于不朽也他日經時之久又必有續修者亦如
曹侯之曹厥心焉則是志也不將永爲一邑之信史矣
乎萬曆壬辰孟秋旣望

二ノ先

ノ

docsriver 文川网
入驻商家 古籍书城

在文川网搜索古籍书城 获取更多电子书

凡例

一圖經舊志有四今增所司一圖重海防也輿地仍前
惟山川外塘礮併入水利以民事不可緩耳

一建置今昔不同同一官之所蒞民之所仰也獨食貨
生命攸關額徵加派不嫌詳叅而備述之

一秩官年表按年增入而名宦代不多人卽指一二以
碑者附列以傳

一選舉自科甲外貢例胥吏俱三途之彥應不能遺至
以子貴以齒德尊者國典所優亦畧收錄

一 人物往昔無論矣今之炳炳史冊嘖嘖鄉閭者不越忠孝節義諸名善善同心有實必紀

一 誥敕以載王言文籍以徵鄉獻自宋迄今併陳備考
一 藝文各體具列四十年來碑碣譜集固所不遺粵稽國初以遡南宋凡藉文徵事者容或掛漏罔不摭羅
一 流覽大都古勝居多業已古矣不無傳疑獨方外菴院稍爲附益以寄高踪

一 潤色刪削纂修不廢咸據耳目可憑其有未入耳目與夫不堪溷志者俟商諸月旦之評